

欽定石渠寶笈三編

欽定石渠寶笈三編

御書房藏二

列朝名人書畫

明文徵明江山初霽圖 一卷

明文徵明行書 一軸

明文徵明書七律 一軸

明文徵明松壑高閒圖 一軸

明文徵明好雨聽泉圖 一軸

明文徵明銷夏小景 一軸

明文伯仁圓嶠書屋圖 一軸

明王寵書雜詩 一卷

明王寵詩帖 一軸

明陳淳崑壁圖 一軸

明陳淳畫花卉 一軸

明陸治畫仙圃長春 一卷

明周天球畫叢蘭竹石 一卷

明項元汴蘭竹圖 一軸

明孫克宏畫朱竹 一軸

明顧正誼山水 一軸

明趙左雲巖響瀑圖 一軸

明周之冕畫蒲桃松鼠 一軸

明尤求文姬歸漢圖 一卷

明李士達關山風雨圖 一軸

明丁雲鵬曾母噉指圖 一軸

明王錫爵詞翰一冊

明董其昌書杜律真蹟一冊

明董其昌書皮學士詩一冊

明董其昌書陋室銘一冊

明董其昌臨王羲之帖一卷

明董其昌書古詩十九首一卷

明董其昌書東余山居詩一卷

明董其昌行書真蹟一卷

明董其昌臨月儀帖 一卷

明董其昌書閒窗論畫 一卷

明董其昌書畫合璧 一卷

明董其昌書七言絕句 一軸

明董其昌書陸暢詩 一軸

明劉度畫春山臺榭 一軸

明崔子忠雲林洗桐圖 一軸

明陳洪綬授衣圖 一軸

明陳洪綬玩菊圖

一軸

明陳洪綬畫荷花

一軸

明人畫大駕鹵簿圖

一卷

明人五王醉歸圖

一軸

明人畫雞

一軸

明文徵明江山初霽圖 一卷

本幅紙本縱七寸四分橫四尺二寸八分淺  
設色畫山雨初晴巖壑含潤白雲堆絮飛瀑  
垂紳自題歲丙寅春雨霖霖意殊憤憤三月  
望後稍霽弄筆窗間作江山初霽圖適友生  
陳淳道復至因以贈之鈐印三衡山徵明停  
雲

後幅附詩



奉壽太史衡山先生九表八十韻醇儒應問  
世哲匠蚤知名文物真師表朝廷老峻英古  
今逢大運天地得奇精學懋天人貫才高海

嶽鳴卻金全父德辭餽覺王情

其先温州公終於官餽溫

之僚屬知其廉甚贈以千餘金先生堅拒不受江西寧府遣內豎持餽百金亦不受子王後有送禮之人謂免類傾三峽桑膚貴先生有先覺之賢也

京粹然承道統卓爾握文衡粟帛無虛市珠  
璣卻滿籬素絲絲不染完璧竟連城奇作抗

大令

范史傳曰筆勢縱放實天下之奇作也

道揮凌率更象形

殊炯炯騷雅沉鎬鎬籀掖卿雲質僊班列宿

晶朱提酬史畢綵幣錫書成作聖膺高界勞

賢享大烹揚鑣芬玉署馳轡軼公卿綸綍霑

皇眷綢繆任客縈潞公宏派裏信國蓮家聲

欲著潛夫論憑誰月旦評遙辭鵠鷺侶近結

鷺鷥盟元亮本真率幼安何潔清辟園維辟

荔闔戶祇柴荆所恥偕宣父而謀但老彭叢

攀小山桂。薌掇巨江蘅。夜課程編慣。朝叅孝  
禮誠。鼓琴魚鳥翕。落筆鬼神驚。翠琬鐫良博。  
青緇賦實宏。研吞笠澤水。飯給潁陽秬。羣玉  
懸華館。雙梧覆翠楹。高眠即石枕。閒飲怡蕙  
羹。嬾作嵇中散。狂譏阮步兵。蹟緣蒼島峻。光  
徹紫微明。金液融青骨。秋毫鑑碧睛。蠶絲描  
入聖。顧凱之描法。如春蠶吐絲。蠅首法尤傳。先生九十能作蠅頭小楷。  
古漢書家反樸祛雕飾。忘機勿競爭雲騰。五  
所未能也。

色筆月挂九華檠邨豎咸知仰山翁也和賡  
百揆神有助一掇氣無勑抑自充頤養何曾  
藉鍊形顏舒霞兩頰髮攬雪千莖老去身彌  
健窮居道益亨煙波常泛鷁石壁漫聞鷺墨  
泣烏皮几花凝潁玉罌豪吟捎魍魎長嘯狎  
鷓鴣周乏仁攸決砭愚義復宏馨香弭滓穢  
讀確定縱橫迺繹呈新式那嫌設舊醅輕帆  
靡枉駕短褐聿全貞既喜青林卧猶諧綠野

行刊山呼鹿豕浮海咤鯤鯨宇宙今元老乾  
坤此瑞楨詞同星焜煜德與歲崢嶸鸞鶴幽  
偏適松筠晚愈榮恩波開灝蕩壽域際昇平  
律已多恭遜逢時屢送迎夢年因寡嗜素固  
亦稀營後進爭趨軌名家悉讓兄祥煙縻遠  
躅錦水關精瑩量合江湖渺神隨草木萌滄  
浪歌乃乃伐木聽丁丁白日孤心皦浮雲軒  
冕輕從教頻刻檄安肯赴弓旌瑤笈非無授

璫漿豈不傾。德容渾盎盎。福履正盈盈。霈澤  
如膏雨。流風裨國程。能為上皇逸。奚使俗塵  
櫻。獄降徵虞集。經譚似伏生。四朝文獨盛。五  
世慶交并。子允華聯紱。孫元秀毓瓊。庭嬉鵲  
繞樹。門集駟垂纓。賞月延澄筭。乘風理奕枰。  
魚鬚攜古杖。魚鬚瑞球所貢。文皇朝物也。先生今得之如玉嘉甚。鳳管  
奏和笙。刺史脩賓燕。黉宮獻壽觥。百年惇典  
禮。一代尚儀刑。今年春正月十五日。郡庠鄉飲禮畢。郡守溫公復自祇率。

僚屬并衆鄉達及類宮諸生稱觴以壽誼齡  
介先生壽儀物隆腆一時之盛事也

攸邁楊林紀實羸

洪武六年預鄉飲者同壽誼百有十歲楊茂九十三

歲林文支九十詎能齊道矩夙譽震蓬瀛愚

二歲時稱勝會也樵蘇孺悠哉浪蹟萍謬慚叨北事感激指

南征淪淪春風座洋洋夜雪閤淵泉昭靜澈

喬嶽鬱蒼菁吾道占元氣翹懃頌祖庚嘉靖

己未春正月十八日門生洞庭張本敬賦

引首

江山初霽

篆書

卷內鈴

高宗純皇帝寶璽乾隆御覽之寶

鑒藏寶璽

五璽全

寶笈三編


收傳印記道復陳淳安氏儀周書畫之章儀

周鑑賞心賞安儀周家珍藏忠定公之後斯

植震澤張氏雲山玩易樓朝鮮人安岐之印

謹案張本字斯植。吳縣東洞庭人。見蘇州府志。詩內原本重押宏字。





明文徵明行書 一軸

本幅金粟牋本縱一尺七寸橫九寸二分行  
書。漠漠輕陰正梅子弄黃時節最惱是欲晴  
字脫一雨乍寒又熱燕子梨花都過也小樓無  
那傷春別傍闌干欲語更沈吟終難說一點  
點楊花雪一片片榆錢英漸日隱西垣晚涼  
清絕池面盈盈清淺水柳梢頭字衍一淡黃昏  
月是何字脫一吹徹玉參差情悽切右調滿江

紅甲寅十一月既望徵明書鈐印二徵仲甫  
印文徵明印

軸內鈐

高宗純皇帝寶璽乾隆御覽之寶

鑒藏寶璽

金五璽

寶笈三編

收傳印記御題圖書府安儀周家珍藏

明文徵明書七律一軸

本幅紙本縱一丈七寸橫三尺一寸行書月  
轉蒼龍闕角西建章雲斂玉繩低碧霄雙引  
鸞聲細綵扇平分雉尾齊老幸綴行班石陛  
謬慚通籍預金閨日高歸院詞頭下滿袖天  
香拆紫泥款徵明鈐印三文徵明印衡山停  
雲

軸內鈐

高宗純皇帝寶璽乾隆御覽之寶

鑒藏寶璽

全五璽

寶笈三編

明文徵明松壑高閒圖 一軸

〔本幅〕紙本縱一尺九寸四分橫七寸八分設色畫松下盤陀二人作對語狀自題嘉靖十年七月望後積雨初霽山齋䟽豁偶得佳紙寫松壑高閒圖徵明時年六十又二鈐印二文徵明印衡山

鑒藏寶璽

全五璽

寶笈三編



明文徵明好雨聽泉圖 一軸

本幅紙本縱一尺八寸八分橫一尺四分水  
墨畫雲山雨後泛棹聽泉自題楞伽山下雨  
餘天綠樹沈沈宿野煙輸與溪翁能領略自  
攜艇子看飛泉徵明鈐印二徵明

軸內鈐

高宗純皇帝寶璽乾隆御覽之寶

鑒藏寶璽

五璽

寶笈三編



收傳印記儀周鑑賞

明文徵明消夏小景 一軸

[本幅]紙本。縱二尺二寸五分。橫九寸五分。水墨畫。巨石壁立。喬林出其上。俯蔭老屋。三人趺坐展卷。又一人立而眺。一童子煮茶。自題。近來習靜厭煩愁。十日廢梳頭。避風簾幕何曾捲。悠然處。古鼎香浮興至間。書葉几。困來時。覆茶甌。新涼如水。簟紋流。六月類清秋。盍簪坊裏人如玉。空相憶。相見無由。最是詩成

酒醒月明徐度南樓右調風入松有懷王君  
祿之填此奉寄時戊子歲六月八日也越今  
七年君歸自選曹檢篋得之持來相示而余  
忘之矣且以舊作小圖俾錄於上嘉靖甲午  
四月十四日徵明記鈐印二徵明

軸內分鈐

高宗純皇帝寶璽乾隆御覽之寶乾隆鑑賞

鑒藏寶璽

全五璽

寶笈三編

謹案祿之王數祥字



明文伯仁圓嶠書屋圖 一軸

〔本幅〕紙本縱三尺九寸四分橫一尺四寸二分設色畫海嶠雲霞仙居樓閣自題圓嶠書屋篆款嘉靖庚戌秋七月五峯文伯仁寫鈐印三五峯文伯仁五峯山仙

〔軸內分鈐〕

高宗純皇帝寶璽乾隆御覽之寶乾隆鑑賞

鑒藏寶璽

五璽

寶笈三編

[illegible]

明王寵書雜詩一卷

〔本幅紙本縱八寸九分橫八尺九寸五分〕草  
書石湖八絕句。石湖春色太可憐。卻似美人  
明鏡前。錦句平鋪鴨綠水。白雲飛動蔚藍天。  
其二。星橋北挂瀉春流。映出黃山水面浮。  
霞石天青飛練鵲。桃花氣暎醉輕鷗。其三。  
春山面面翠屏開。盡繞吳王百尺臺。一代霸  
圖憐燼滅。五湖流水恨東迴。其四。三月暮



春春服成。含風疊雪。越羅輕生。憎乳鶯撩春色。轉遣飛花蕩酒情。其五。越來谿上柳千絲。畫鼓游船晚更移。一曲紫雲歌。粵女雙鬟白雪舞。吳兒其六。數松磊落千尺隱。恰如天際羣龍翔。吟風嘯雨中琴瑟。大澤深山藏棟梁。其七。登山臨水春將歸。獨樹桃花猶未飛。玩世繁華真歟。忽後時顏色轉霏微。其八。古木朱藤疏著花。澹雲斜日淨江沙。黃

金臺上無推轂白石山中有歲華 包山雜  
咏雲飛玉立恣奇遊海上三山十二樓此日  
圖經窺禹穴他年雞犬卜丹邱 雲作樓臺  
石作蓮青天不動畫屏鮮棹歌一道滄浪去  
指點虛無范蠡船 十日窮歡辭碧山片帆  
輕拂五雲還桃花流水僊門曲回首重迷銷  
夏灣 千里萼羹縮項鰻黃甘朱橘不論錢  
舵樓把酒山川滿高嘯何如李郭仙 一柱

支撐高浪中丹房石室悶璫瓏即看天目雲  
門對更取峨嵋雪嶺通 斲往未酬山水志  
幽栖應媿綵鸞羣殮芝餌木它年事暗向空  
中禮白雲 浪打天門撼百川風雲瀕洞漭  
無邊未騎白鶴三山去且伴沙鷗一宿眠丁  
亥春二月之吉雅宜山人王寵書於石湖精  
舍鈴印四王履吉韓韓齋大雅堂

重

卷內鈴

高宗純皇帝寶璽乾隆御覽之寶

鑒藏寶璽

全五里

寶笈三編

收傳印記安儀周家珍藏辛夷館印  
三重朝鮮人安岐之印

[illegible]

明王寵詩帖 一軸

本幅紙本。縱二尺六寸二分，橫九寸一分。草書。江東逢著李龜年，腸斷歌鐘舞袖前。瑤水似聞黃竹奏，梨園新按紫霓篇。生憎玉色欺冰盃，不耐雲光媚酒筵。掩淚青衫天畔客，舉觴白眼飲中僊。右陸叔平席上作。脩竹檀藥池水波近人，魚鳥碧山阿。據牀欲動，原脫動字。詩末注於江湖思散髮狂吟款，乃歌遠徑即栽彭。

澤柳戲書時乞右軍鵞山公日有高陽會遮  
莫尋常酒債多右草堂下鑿池作雅宜山人  
王寵書於楞伽山中無印記

軸內鈐

高宗純皇帝寶璽乾隆御覽之寶

鑒藏寶璽

全五頁

寶笈三編

明陳淳崑壁圖 一軸

本幅紙本縱二尺四寸七分橫一尺八分水  
墨畫盆貯文石苔痕斑駁琦草叢生自題久  
不入城府緣有山水之癖今日偶過龍泉山  
房坐玩水石種種可愛中有崑壁口景尤奇  
主人見余酷嗜因割贈余余愧奪人所好故  
寫此紙謝之余得奇玩固可喜矣主人得此  
亦可少慰乎將為文社中一段故事耳嘉靖



癸卯八月四日道復志鈐印三大姚白陽山人復生印

軸內分鈐

高宗純皇帝寶璽乾隆御覽之寶乾隆鑑賞

鑒藏寶璽

全五璽

寶笈三編

明陳淳畫花卉一軸

本幅絹本縱五尺八寸六分橫三尺設色畫  
梔子玫瑰百合山丹剪秋羅自題溽暑熏蒸  
苦畫長葛巾葵扇竹匡牀花陰水氣相撩處  
可有人間白玉堂道復鈴印二陳道復氏復  
生印

舊題籤陳白陽設色花卉棠邨真賞

鑒藏寶壘

全五璽

寶笈三編

收傳印記  
棠邨審定  
蕉林蕉林收藏

明陸治畫仙圃長春一卷

本幅絹本縱九寸五分橫八尺二寸五分設  
色畫。杏花蕙蘭翦秋羅牡丹梨花貼梗海棠  
百合花紫薇薔薇梔子秋海棠牽牛花秋葵  
山茶綠萼梅水仙共十六種。款嘉靖歲己未  
春日。包山陸治寓於支硎書舍。鈐印三陸氏  
叔平。有竹居包山子。

後幅題跋

王弼州先生與陸叔平善稱其工寫生能得  
徐黃遺意不若道復之妙而不真也山水喜  
仿宋人時時出己意風骨峻削霞思湧疊然  
不免露蹊徑時年將八十嘗自言更二年當  
大成余覽此卷細秀精密神采爛然如上飛  
閣以䟽觀瑤光與壁繩乃暮齒猶崛強  
不已故  
老不凡乙卯冬日為又翁詞宗  
題話畫菴雪僧潘遠鈴印三話畫菴潘遠之

印雪僧

〔卷內分鈐〕

高宗純皇帝寶璽乾隆御覽之寶乾隆鑑賞

鑒藏寶璽

〔金五璽〕

寶笈三編

收傳印記有懷草堂

[illegible]

明周天球畫叢蘭竹石 一卷

本幅灑金牋本。縱八寸八分，橫一丈六尺一寸。水墨畫。蘭叢筠幹，襯以蘚石沙坡。幅尾行書：「幽蘭賦：惟幽蘭之芳草，稟天地之純精，抱青紫之奇色，挺龍虎之嘉名，不起林而獨秀，必固本而藂生。爾乃丰茸十步，綿連九畹，莖受露而將低，香從風而自遠。當此之時，叢蘭正滋，美庭闈之孝子，循南陔而采之。楚襄王。」



蘭臺之宮零落無蕪漢武帝猗蘭之殿荒涼  
幾變聞昔日之芳菲恨今人之不見至若桃  
李水上佩蘭若而續魂竹箭山陰坐蘭亭而  
開宴江南則蘭澤為洲東海則蘭陵為縣隰  
有蘭兮蘭有枝惻遠別兮交新知氣如萌兮  
長不改心若蘭兮終不移及夫東山月出西  
軒日晚授燕女於春閨降陳王於秋阪乃有  
送客金谷林塘坐曛鶴琴未罷龍劍將分蘭

缸燭耀蘭麝氛氲舞袖迴雪歌聲遏雲度清  
夜之未艾酌蘭英以奉君若夫靈均放逐離  
羣散侶亂鄢郢之南都下瀟湘之北渚步遲  
遲而適越心鬱鬱而懷楚徒眷戀於君玉斂  
精神於帝女汀洲兮極目芳菲兮襲汝思公  
子兮不言結芳蘭兮延佇借如君章有德通  
神感靈懸車舊館請老山庭白露下而警鶴  
秋風高而亂螢循階除而下望見秋蘭之青

青重曰。若有人兮山之阿。紉秋蘭兮歲月多。  
思握之兮猶未得。空佩之兮欲如何。乃抽琴  
操。為幽蘭之歌。歌曰。幽蘭之生兮。于彼朝陽。  
含雨露之津潤。吸日月之休光。美人愁思兮。  
采芙蓉于南浦。公子忘憂兮。樹萱草于北堂。  
雖處幽林與窮谷。不以無人而不芳。趙元叔  
聞而歎曰。昔聞蘭葉掾龍圖。復道蘭林引鳳  
雛。鴻歸燕去紫莖歇。露往霜來綠葉枯。悲秋

風之一敗與萬草而為。為隆慶庚午九月十日雨生長安次舍。漫為詹事塏邨先生寫蘭卷中并錄茲賦。潦倒之人加之多恙。搦管不工。不堪塏老一笑也。吳下周天球識。鈴印五江左周天球印。周公瑕氏。俠香亭長。羣玉山人。

引首

湘皋雜佩。篆書周天球書。鈴印三江左周公瑕。

氏羣玉山樵

鑒藏寶璽

五璽

寶笈三編

收傳印記宋氏穉佳書畫庫記宋致穉佳收

藏圖書

明項元汴蘭竹圖 一軸

本幅紙本縱二尺四寸橫一尺七分墨畫竹枝蘭石自題懸崖標獨操絕壁抱孤芳墨林子項元汴寫蘭竹圖并題鈴印三退密項元汴印墨林山人又題高逸予之知己聞有過我之興為備雞黍下榻以俟試聽足音足然杳寂漫滌硯走筆辦此少將清供聊以斯文共娛樂賢友之益免宴樂之損較之羣居不

義以為孰愈汴子再識墨又題俯仰原無心  
憑凌如有意此梅道人景句兼比錄之以徵  
吾志鈴印一墨林

軸內分鈴

高宗純皇帝寶璽乾隆御覽之寶乾隆鑑賞

鑒藏寶璽

全五璽寶笈三編

收傳印記儀周鑑賞

明孫克宏畫朱竹 一軸

本幅紙本縱三尺五寸橫八寸九分朱畫竹。墨補坡石。自識朱竹不知昉自何代相傳。漢壽亭侯乃倡為之。後蘇長公于場屋中見研有餘朱戲寫數幅。好事者遂彷彿之。管夫人曾寫百幅傳世。要之竹本綠色。世人恒以墨為點染。若墨可代綠。則朱亦可代墨矣。嗟嗟。今世之朱紫奪色。黑白不分者。豈止一朱竹。



已耶雪居宏鈴印二孫允執漢陽太守章

鑒藏寶璽

全五璽

寶笈三編

明顧正誼山水一軸

本幅紙本。縱三尺二寸四分。橫一尺九寸六分。水墨畫。層巒雨洗。密樹煙霏。一人拄杖觀泉。自題連日撫宋元諸大家真蹟。頗能得其神髓。思白從余指授。已自出藍。畫此質之品。評當不爽也。友人顧正誼識。鈐印二。顧正誼仲方。

軸內分鈐

高宗純皇帝寶璽乾隆御覽之寶乾隆鑑賞

鑒藏寶璽

五璽

寶笈三編

收傳印記  
屢硯齋汪季青珍藏書畫之印

明趙左雲巖響瀑圖 一軸

本幅絹本。縱四尺三寸七分。橫一尺二寸。設色畫。層巖掛瀑。邃壑飛流。梵宇依山茅屋。臨水一人戴笠拄杖。度橋自題雲巖響瀑。趙左鈐印二。趙左之印。文度氏。

鑒藏寶璽

五璽全

寶笈三編

謹案趙左字文度華亭人宋旭弟子致見續編

[illegible]

明周之冕畫蒲桃松鼠一軸

本幅絹本縱三尺四寸一分橫一尺一寸六分設色畫蒲桃松鼠款汝南周之冕鈐印二

軸內鈐

高宗純皇帝寶璽乾隆御覽之寶

鑒藏寶璽

全五璽

寶笈三編

[illegible]

明尤求文姬歸漢圖 一卷

本幅紙本。縱九寸七分。橫一丈二尺七寸。白描旗蓋飛揚。士馬擁衛。使者執節前導。文姬乘駝車。褰帷憑式。車後騎從護馱。載而行。無款鈴印二。吳人尤求鳳邱。

鑒藏寶璽

金五璽

寶笈三編

收傳印記。樂琴書以消憂。太原氏珍玩樓家藏圖書。



[illegible]


明李士達關山風雨圖 一軸

本幅紙本縱四尺一寸橫一尺九寸三分設  
色畫塞山屹立風雨颯然行人張蓋聯騎將  
投逆旅自題塞門風落木客舍雨連山書萬  
厯庚申秋小寫于石湖邨舍李士達鈴印三  
通甫李士達印石湖漁隱

鑒藏寶璽

全五璽

寶笈三編



明丁雲鵬曾母嚙指圖 一軸

本幅紙本縱一尺一寸八分橫一尺五寸一分  
墨畫曾母嚙指故事款丁雲鵬寫鈴印二  
不可辨

軸內分鈴

高宗純皇帝寶璽乾隆御覽之寶乾隆鑑賞

鑒藏寶璽

五璽全

寶笈三編



明王錫爵詞翰 一冊

本幅宣紙本十六對幅皆縱八寸橫四寸四分  
行楷書立春誰勸東風臘裡來不知天待  
雪惱江梅東郊寒色尚徘徊雙綵燕飛傍鬢  
雲堆玉冷曉粧臺宜春金縷字拂香腮紅羅  
先繡踏青鞋春猶淺花信更相催山小重初  
春東風吹碧草年年換行客老滄洲見梅吐  
舊英柳搖新綠惱人春色還上枝頭寸心亂

北隨雲黯黯東逐水悠悠斜日半山暝煙兩  
岸數聲橫笛青門同攜手前歡記渾似夢裡  
揚州誰念斷腸南陌回首西樓算天長地久  
有時有盡奈何綿綿此恨無休擬待倩說與  
生怕伊愁上元帝城三五燈光花市盈路  
天街遊處此時方信鳳闕都民奢華豪富紗  
籠繞過喝道轉身一辟小來且住見許多才  
子艷質攜手並肩低語東來西住誰家女買

玉梅爭戴緩步香風度北觀南顧見畫燭影  
裏神仙無數引人魂似醉不如趁早步月歸  
去這一雙清眼怎生禁得許多胡覷上巳  
春風惡劣把數枝香錦和鶯吹折雨重柳腰  
嬌困燕子欲扶扶不得軟日烘煙乾風收霧  
芍藥荼蘼弄顏色簾幙輕陰圖書清潤日永  
篆香絕盈盈笑靨宮黃額試紅鸞小扇丁香  
雙結團鳳眉心情郎貼教洗金罍共看西堂



醉花新月曲水成空。麗人何處。往事暮雲萬

葉。

春雲怨

春景仙苑春濃。小桃開枝枝已堪

攀折。乍雨乍晴。輕暎輕寒。漸近賞花時節。柳  
搖臺榭。東風軟。簾櫳靜。幽禽調舌。斷魂遠。閑  
尋翠徑。頓成愁結。此恨無人共說。還立盡黃  
昏。寸心空切。強整繡衾。獨掩朱扉。枕簟為誰  
鋪設。夜長宮漏傳聲遠。紗窗映銀缸。明滅夢  
回處。梅梢半籠淡月。春遊調雨。為酖催冰。

做水東風分付春還何人便將輕煖點破殘  
寒結伴踏青去好平頭鞋子小雙鸞煙柳外  
望中秀色如有無間晴則个陰則个餽飣得  
天氣有許多般須教撩花撥柳爭要先看不  
道吳綾繡襪香泥斜沁幾行班東風巧盡收  
翠綠吹在眉山慶清朝慢春曉流鶯窗外啼聲  
巧睡未足把人驚覺翠被曉寒輕寶篆煙裊  
宿醒未解宮娥報道別院笙歌會早試問海

棠花昨夜開多少

春海棠秦少游

春景楊柳

絲絲弄輕柔。煙縷織成愁。海棠未雨梨花先

雪。一半春休。而今往事難重省。歸夢遶秦樓

相思只在丁香枝上。豈窳梢頭

秋波媚

春景

鴛鴦翡翠小小思珍偶。眉黛斂秋波。儘湖南

山明水秀。娉娉嫋嫋。恰似十三餘。春未透。花

枝瘦。正是愁時候。尋芳載酒。肯落誰人後。祇

恐遠歸來。綠成陰。青梅如豆。心期得處。每自

不由人長亭柳君知否千里猶回首

慕山溪

春怨倚危亭恨如芳草萋萋剗盡還生念柳  
外青驄別後水邊紅袂分時愴然暗驚無端  
天與娉婷夜月一簾幽夢春風十里柔情怎  
奈向歡娛漸覺隨流水素絃聲斷翠綃香減  
那堪片片飛花弄晚濛濛殘雨籠晴正銷凝  
黃鸝又啼數聲

八六子

春思簾移碎影香褪

衣襟舊家庭院嫩苔侵東風過盡暮雲瑣綠

窗深怕對人閒枕。剩衾樓底輕寒。春信斷怯。  
登臨斷腸。魂夢雨沈沈。花飛水遠。便從今莫  
追尋。又怎禁。薦地上心。春恨。手捲真珠上  
玉鈎。依前春恨鎖重樓。風裏落花誰是主。思  
悠悠。青鳥不傳雲外信。丁香空結雨中愁。回  
首綠波三峽暮。接天流。風壓輕雲貼水飛。  
乍晴池館燕爭泥。沈郎多病不勝衣。沙上未  
聞鴻雁信。竹間時有鷓鴣啼。此情惟有落花

知二首浣溪沙

初夏柳陰庭館占風光。呢喃清

晝長。碧波新漲小池塘。雙雙蹴水忙。萍散漫

絮飄揚。輕盈體態狂。為憐流去落紅香。銜將

歸畫梁。

右詞阮郎歸

曾純甫

夏景棟花飄砌。菽

菽清香細。梅雨過。蘋風起。情隨煙水。湘遠夢

遶吳峯。翠琴書倦。鷓鴣喚起南窗睡。密意無

人寄。幽恨憑誰洗。脩竹畔。疏簾裡。歌餘塵拂

扇。舞罷風掀袂。人散後。一鉤淡月。天如水。秋

歲。

端午梅霖初歇。正絳色海榴爭開佳節。  
角黍包金。香蒲切玉。是處玳筵羅列。鬪巧盡  
輸年少。玉腕綵絲雙結。艤舫見龍舟兩兩。波  
心齊發。奇絕難畫處。激起浪花翻作湖間雪。  
畫鼓轟雷。紅旗掣電。奪罷錦標方徹。望中水  
天日暮。猶自珠簾高揭。棹歸晚。載荷香十里。  
一鉤新月。夏日故園避暑。愛繁陰翳日流  
霞供酌。竹影篩金。泉漱玉。紅映薇花。簾箔素

質生風。香肌無汗。繡扇長閒。卻雙鸞栖處。綠  
雲時下。風箏吹斷。舞影歌聲。陽臺人去。有當  
年池閣。佩結蘭英。凝念久。言語精神。依約燕  
別雕梁。鴻歸紫塞。音信憑誰託。爭知好景。為  
君長是。蕭索。夏夜冰肌。玉骨自清涼。無汗  
水。殿風來。暗香滿。繡簾開一點。明月窺人人  
未寢。欹枕釵橫。鬢亂。起來攜素手。庭戶無聲。  
時見疏星渡河漢。試問夜如何。夜已三更。金





波淡玉繩低轉。但屈指西風幾時來。又不道  
流年暗中偷換。夏景淮楚曠望極。千里火  
雲燒空。盡日西郊無雨。厭行旅。數幅輕帆旋  
落。艤棹蘆葭浦。避畏景。兩兩舟人夜深語。此  
際爭可使。恁奔名利名九衢。塵裡衣冠冒炎暑。  
回首江鄉。月觀風亭水邊石上。幸有散髮被  
襟處。夏景淡煙飄薄。鶯花謝。清和院落。樹  
陰翠。密葉成幄。麥秋霽。景夏雲忽變。奇峯倚

寥廓波暎銀塘漲新萍綠魚躍想端憂多暇  
陳王是日嫩苔生閣正鏢日天高流金晝永  
楚榭光風轉蕙披襟處波翻翠幙以文會友  
沈李浮瓜忍輕諾別館清閒避炎蒸豈須河  
朔但樽酒隨分雅歌艷舞盡成歡樂夏景  
水浴清蟾葉喧涼吹巷陌馬聲初斷閑依露  
井笑撲流螢惹破畫羅輕扇人靜夜久凭闌  
愁不歸眠立殘更箭歎年華一瞬人千里夢

沈書遠空見說。買怯瓊梳容銷金鏡。漸懶趁  
時勻染梅風地。潏虹雨苔滋一架舞紅都變。  
誰信無憀。為伊寸才減江淹。情傷荀倩。但明  
河影下。還看稀星數點。過秦

夏景宴堂深

軒檻雨輕壓暑氣低沈。洞花彩舟泛玉笋坐  
繞清潏。楚臺風快湘簾冷。永日披襟坐久覺  
疏絃脆管換新音。越娥蕙態蘭心。逞妖艷泥  
歡邀寵難禁。筵上笑歌間發。烏履交侵。醉鄉

歸處須盡興滿酌高吟。向此免名韃利鎖虛  
費光陰。七夕靈鵲橋初就。記迢迢重湖風  
浪。去年時候。歲月不同。人易老。萬事茫茫宇  
宙。但獨對西風搔首。巧拙豈關今夕事。奈癡  
兒騃女。流傳謬添話柄。柳州柳道人。識破灰  
心久。只好風涼月佳時。疏狂如舊。休笑雙星  
經歲。別人到中年已後。雲雨夢可曾常有。雪  
藕調冰花。正梧桐雨後。新涼透。且隨分一盃

酒賀新

秋夜每到秋來轉添甚況味金風

動冷清清地殘蟬噪晚甚聒得人心欲碎更  
休道宋玉多悲石人也須下淚衾寒枕冷夜  
迢迢更無寐深院靜月明風細巴巴望曉怎  
生捱更迢遞料我兒只在枕頭根底等人睡  
來夢裡水寒秋望慘結秋雲西風送絲絲  
雨濕凝望眼征鴻幾字暮投沙磧欲往鄉關  
何處是水雲浩蕩連南北但脩眉一抹有無

中遙山色天涯路。江上客腸已斷。頭應白搔  
首興歎。莫年離隔。欲待忘憂除是酒。奈酒行  
盡愁無極。便挽將江水入樽壘。澆胸臆。紅滿江

中秋憑高望遠。見長空萬里雲無畱迹。桂  
魄飛來光射處。冷浸一天秋碧。玉宇瓊樓乘  
鸞來去。人在清涼國。江山如畫。望中煙樹。歷  
歷我醉拍手狂歌。舉盃邀月對影成三客。起  
舞徘徊風露下。今夕不知何夕。便欲乘風翻

然歸去何用騎鵬翼水晶宮裡一聲吹斷橫  
笛 秋怨浮雲護月未放滿朱扉鼠搖暗壁  
螢度破窗偷入書幃秋意濃閒竚立庭柯影  
裏好風襟袖先知夜何其江南路遶重山心  
知謾與前期奈何燈前墮淚腸斷蕭娘舊日  
書辭猶在紙雁信絕清宵夢又稀四國竹 秋  
思波落寒汀邨渡向晚遙看數點帆小亂葉  
翻鴉驚風破雁天角孤雲縹緲官柳蕭疏甚

掛微微殘照。景物關情，川途換日。頓來催老。  
漸解狂朋歡意少。奈猶被思牽情繞。座上琴  
心。機中錦字。覺最縈懷抱。也知人懸望久。舊  
薇謝歸來一笑。欲夢高唐。未成眠。霜空已曉。  
氏州第一秋怨。夜色催更。清塵收露。小曲幽坊。  
月暗竹檻燈窗。識秋娘。庭院笑相遇。似覺瓊  
枝玉樹。煖日明霞光爛。水眇蘭情。總平生稀  
見。畫圖中舊識春風面。誰知道。自到瑤臺畔。



卷戀雨潤雲溫。苦驚風吹散。念荒寒、寄宿無人。館重門閉。敗壁秋蟲。歎怎奈、向一縷相思。

隔溪山不斷。

拜星月慢

秋日懷舊。紛紛墜葉飄。

香砌夜寂靜。寒聲碎。真珠簾捲。玉樓空。天淡。

銀河垂地。年年今夜。月華如練。長是人千里。

愁腸已斷。無由醉酒。未到先成淚。殘燈明滅。

枕頭欹。諳盡孤眠滋味。都來此事。眉間心上。

無計相迴避。

御街行

冬初風雪驚初霽。水鄉。

增暮寒樹杪墮毛羽簷牙掛琅玕纔喜堆門  
積巷可惜迤邐銷殘漸看低竹翩翻清池漲  
微瀾步履晴正好宴席晚方歡梅花耐冷亭  
亭來入冰盤對山前橫素愁雲變色放盃同  
覓高處看

紅林  
橋近

冬景金花落燼燈銀鑠鳴

窗雪庭深微漏斷行人絕風扉不定竹圍琅  
玕折玉人新間濶著甚悰情更當恁地時節  
無言欹枕帳底流清血愁如春後絮來相接

知他那裡爭信人心切除共天公說不成也  
還似伊無個分別

花滿路

除夕殘臘收寒三

陽初轉已換年華東君律管迤邐到山家處  
處笙簧鼎沸會佳宴坐列仙娃花藪裡金爐  
滿爇龍麝煙斜此景轉堪誇深意祝壽山福  
海增加玉觥滿泛且莫厭流霞幸有迎春壽  
酒銀鉶浸幾朶梅花休辭醉園林秀色百草  
萌芽無款印

後副葉題跋

太原王文肅公解相印歸絕不與賓從子孫  
譚立朝事蹟手自移花接果翻古帖摹書數  
行此冊乃少時寫香艷詞摘草堂花間殆編  
書法道邁俱從黃庭發脈來淵季購得之焚  
香轉玩更欲鐫石傳於人間正如宋璟鐵石  
心腸作梅花賦大有風味乃知蘇黃好弄小  
詞亦此意也陳繼儒鈴印二陳繼儒印眉公

文肅每見余閣試卷輒稱是柳誠懸筆意

當時閣學惟文肅公書家當行也董其昌觀

鈴印一董其昌

鑒藏寶璽

五里全

寶笈三編

收傳印記夢禪室商邱陳淮書畫之印荆石

陳淮審鑒樂州文房之印

謹案冊內書詞係隨手雜錄。人名調名或載或不載。字句間亦多脫誤。查第一闌立卷。李漢老作。第二闌初春。秦觀作。調風流。毛穀聲橫笛下。脫一葉扁舟四字。擬待倩下。脫人字。

第三關上元李漢老作調女冠子妙龍雙過  
下脫處字一隻情眼情誤清第四關上已馮  
偉壽作第五關春景阮逸女作調花心動第  
六關春遊王雱作班誤班第七關春曉寶篆  
下脫沈字第八關春怨王雱作第九關春景  
黃庭堅作第十關春怨秦觀作漸字下多覺  
字那堪下脫那字第十一關春思俞允成作  
調聲聲令鎖誤瑣斷腸魂夢雨沉沉雨誤兩  
第十二關春恨李景作第十三關初夏第十  
四關夏景謝逸作棟誤練第十五關端午吳  
禮之作調喜遷鶯纖字下脫綵字第十六關  
夏日僧仲殊作調念奴嬌筠誤雲第十七關  
夏夜蘇軾作調洞仙歌第十九關夏景柳永  
作調過潤歌披誤被第二十關夏景周邦彥作  
調女冠子石誤日第二十一關夏景周邦彥作  
涼吹二字倒寫間依露井間誤閑人今千里

人字下。脱今字。為伊才減江淹。伊字下。多寸  
字。第二十一。關夏景。柳永作。調夏雲。花洞  
二字。倒寫。第二十二。關七夕。宋謙父作。歲月  
不。留。留。誤。同。花字下。脱熏茗二字。第二十三  
關秋夜。柳永作。况味二字。倒寫。第二十四。關  
秋望。趙鼎作。陰誤。雲搔首上。脱空字。酒行下。  
脱欲字。第二十五。關中秋。蘇軾作。調念奴嬌。  
關誤。翻。第二十六。關秋怨。周邦彥作。調西園  
竹。西誤。四。第二十七。關秋思。周邦彥作。蕭誤。  
蕭。掛字下。脱上字。川途換。目。目誤。日。第二十八  
關秋怨。周邦彥作。怎奈何。何誤。向。第二十九  
九關。秋。日懷舊。范仲淹作。第三十。關冬初。周  
邦彥作。第三十一。關冬景。周邦彥作。第三十二  
關除夕。胡浩然作。調東風。齊著。九。

明董其昌書杜律真蹟 一冊

本幅紙本十二對幅皆縱八寸一分橫四寸  
五分行書苑外江頭坐不歸水晶宮殿轉霏  
微桃花細逐楊花落黃鳥時魚白鳥飛縱飲  
久拚人共棄嬾朝真與世相違吏情更覺滄  
洲遠老大徒傷未拂衣蓬萊宮闕對南山  
承露金莖霄漢間西望瑤池降王母東來紫  
氣滿函關雲移雉尾開宮扇日繞龍鱗識聖



顏一卧滄江驚歲晚幾回青瑣點朝班  
聞道長安似奕棋百年世事不勝悲  
王侯第宅皆新主文武衣冠異昔時  
直北關山金鼓震征西車馬羽書遲  
魚龍寂寞秋江遠故國平居有所思  
款其昌鈴印三太史氏董其昌印  
元賞齋

鑒藏寶璽

全五璽

寶笈三編

明董其昌書皮學士詩一冊

本幅紙本摺裝八幅皆縱七寸四分橫九寸  
四分楷書齋心已三日筋骨如煙輕腰下佩  
金獸手中持火鈴幽塘四百里中有日月精  
連亘三十六各各有衍有字為玉京自非心至  
誠必被神物烹顧余慕大道不能惜微生遂  
招放曠侶同作幽憂行其門纔函丈初若盤  
薄硯洞氣黑眈眈集作眈眈苔髮紅鬢鬢試足值

坎窞低頭避崢嶸攀緣不知倦怪異焉敢驚  
匍匐一百步稍稍策可橫忽然白蝙蝠來撲  
松炬明人語散瀕洞石響高玲玎脚底龍蛇  
氣頭上波浪聲有時若服匿偈仄如見繡俄  
爾造平澹豁然逢光晶金堂似鑄集作鑄出玉  
座如琢成前有方丈沼凝碧融人情雲漿湛  
不動瑤露滴而馨漱之恐減算酌之必延齡  
愁為三官責不敢攜一甌昔云夏后氏於此

藏真經刻之以紫琳祕之以丹瓊期之以萬

祀守之以百靈馬得彼丈夫集作人竊之不加

刑石匱一以出左桺集作神俄不局禹書既云

得吳國由是傾薛縫纔半尺中有怪物腥欲

去既嘆嗒將迴又伶俜卻遵舊時道半日出

杳冥屢泥惹石髓衣濕沾雲英元籙乏仙骨

青文無絳名雖然入陰宮不得朝上清對彼

神仙窟自厭濁俗形卻憎造物者遣我騎文

星 吾愛李太白身是酒星魄口吐天上文

蹟作人間客礪砢千丈林澄澈萬尋碧醉中

草樂府十幅筆一息召見承明廬天子親賜

食醉曾吐玉床傲幾觸天澤權既臣妬逸才

心如斗筭窄失恩出內署海岳甘自適刺謁

載叔倫集作赴宴著穀屐諸侯百步迎明君

九天憶竟遭腐脇疾醉魄歸八極大鵬不可

籠大椿不可植蓬壺不可見姑射不可識五

岳為辭鋒四溟作胸臆惜哉千萬年此俊不  
可得吾愛白樂天逸才生自然誰謂詞翰  
器乃是經綸賢歟從浮艷詩作得典誥篇立  
身百行足為文六藝全清望逸內署直聲驚  
諫垣所刺必有思所臨必可傳忘形任詩酒  
寄傲遍林泉所望標文柄所希持化權何期  
遇訾毀中道多左遷天下皆汲汲樂天脫獨  
怡然  
天下皆悶悶二字獨捨旃高吟辭兩掖清

嘯罷三川處世似孤鶴遺榮同脫蟬仕若不  
得志可為龜鏡焉吾愛盧徵君高卧嵩山

裏百辟未一顧三徵方暫起坦腹對宰相岸  
幘揖天子建禮門前吟金鑒殿衣醉天下皆  
哺糟徵君獨潔已天下皆樂聞徵君獨洗耳  
天下皆懷羞徵君獨多恥銀黃不妨懸赤紱  
不妨被而於心抱中獨脫作義皇地藍輦一  
云返泥詔褒不已再看緱山雲重酌高陽水

放曠書裏終逍遙。醉中死。吾謂伊與周。不若  
徵君貴。吾謂巢與許。不若徵君義。高名無階  
級。逸迹絕涯涘。萬世唐書中。逸名不可比。粵  
吾慕真隱。彊以骨肉累。如教不為名。敢為集  
有徵君志。款甲戌五月。書皮學士五言古詩。  
董其昌鈐印二宗伯學士董元宰氏。


鑒藏寶璽

全五璽

寶笈三編

謹案皮學士即唐皮日休。數詩俱見全唐詩  
集中。董書間有脫誤。





明董其昌書陋室銘 一冊

本幅紙本二十二對幅皆縱九寸六分橫五寸二分行書陋室銘山不在高有仙則名水不在深有龍則靈斯是陋室惟我德馨苔痕上階綠草色入簾青譚笑有鴻儒往來無白丁可以調素琴閱金經無絲竹之亂耳無案牘之勞形南陽諸葛廬西蜀子雲亭孔子云何陋之有其昌鈐印三董元宰宗伯學士元

賞齋

鑒藏寶璽

全五璽

寶笈三編

明董其昌臨王羲之帖 一卷

本幅絹本縱五尺五寸橫七尺八寸行書想  
諸舍悉佳知未得所具意分報不可惟庶何  
當挫傷出言增酸寄弟可為惟姊數告安和  
二妹可可穆期求抹命憂之至深十許日當  
還二孫安不可憂歎謝生佳頃大潤以始  
既之此人出蕭索可歎足下各可不都五  
日書今送謝有王想深得勉豺狼耳至羲之

又腳舊小服致酒至佳數用有驗直以純  
酒漬致令汁濃便飲多少任意諸患不差憂  
焦不可言見北問使人焦心足下皆以見也  
得書知足下故爾去郡羊叅軍還便去吾  
甚疑卿遺須書十月十二日山陰羲之報自  
識賀知章摹右軍書南唐李氏刻於澄清堂  
為昇元帖乃宋淳化帖之祖本也其昌臨鈐  
印二太史氏董其昌

鑒藏寶璽

全五璽

寶笈三編

明董其昌書古詩十九首 一卷

本幅金粟牋本縱八寸一分橫七尺六寸四分  
分行書古詩十九首詩不錄自識書古詩十九  
首四通二為高麗紙一為絹書此則宋藏紙  
做褚河南哀冊乙卯十月朔其昌識無印記  
卷內分鈐

高宗純皇帝寶璽乾隆御覽之寶乾隆鑑賞

鑒藏寶璽

全五璽

寶笈三編

[illegible]



明董其昌書東佘山居詩一卷

本幅高麗紙本縱一尺一寸橫九尺三寸七分。行書贈陳仲醇徵君東佘山居詩。歸然耆  
舊表江南。東佘雲泉恣所探。廣大代推風雅  
主。蕭閒時共佛僧龕。空庭籟起聞吹萬。月幌  
杯深對影三。辛苦山靈驅俗駕。肯容城市訝  
蘇耽。百感中來不自拈。側身西望佘峯尖。  
論交雲雨今方見。閱世陽秋晚更嚴。危語逼

人何咄咄大言是處可炎炎聞君近發琅函  
祕已展紅牙第幾籤名僧會裏事瞿曇能  
結孤峯白石菴河伯謾夸聞道百粗公何意  
賦朝三清華水木如濠上宏獎風流自汝南  
卻笑昔人高士傳不將同世一為叅無限  
離離壓杞楠樹猶如此爾何堪煙波狎主誰  
爭長山澤雖癯已戰酣絕域也知珍尺一高  
軒奚事謬朝三猶嫌住久人知處見說遊鯉

欲徙南 當年游宿徧名藍  
紫柏禪師奉塵 譚受記可稱千佛一論文  
曾許兩都三應將 綺語卑江左  
直溯宗風自嶺南 莫訝繩牀畱  
半席庭前樹子早同叅 餐取峯霞坐翠嵐  
雲根剝出小終南 窗懸虛室常生白  
帖做蕭齋欲過藍 山長舊來鴻自一  
市喧還笑虎成三 應憐惠子能知我  
雅道寥寥有荷擔 窮筮扁舟白馬譚  
浮生忽已髣髴無能九土

游其八不朽千秋共此三曲水竹林分左右  
青山賓主列東南此中但可吟風月百尺陳  
樓一草菴端居突兀起毘嵐是處清涼現  
鉢曇漱石更兼芳潤六御風時見素雲三綠  
天賸有書經葉碧澗疏為洗硯潭身隱無文  
真用短試看碑板大江南窪盈軒畫為誰  
拈著配倪迂也自謙枯木悠悠憑隱几笑容  
片片見開簾即令呼馬能無應但說猶龍好

用潛養鶴栽梅成底事未曾驅役老長髯  
徵君名姓徹宸嚴谷飲巖棲寶不貪稱意沙  
鷗隨上下論才竹箭美東南溫胸震澤吞能  
九開徑柴桑益有三儘為草堂拈勝槩畱將  
山史作佳譚頌酒深衷豈放慙二豪何以  
視眈眈將因巢許為師友自與羲皇作子男  
清淺錦機襄轉七縱橫雅爵醉揮三孝標雖  
有傷時論未見山中此盍簪鍾牙緬邈別

家慙試向瑤琴古調叅懷友經春哦渭北教  
兒當日笑城南夢中蝴蝶花光濕池裏蟾蜍  
墨霧含隻鶴畸人形共影故應待我鼎為三  
瑤草金光向此探我來風日正清酣夷門  
布席恒虛左栗里懸窗故倚南竟有聲名輸  
第五恥將禪草說登三可知嘉遯能終吉龜  
笑何勞季主叅十載邨居傍釀壘邨農邨  
姥得相叅玉壺觀世龜藏六竹簡讐書承渡

三只見陶公怡嶺上誰知劍客是圖南近來  
寶晉先王略不作蘭亭聚訟譚今古閑愁  
了不擔脩然方內有鸞驂谷名子午真盈一  
坐守庚申不但三處士占星常斗北詩家挹  
酒或箕南為君署取涼心館若箇游人肯細  
叅為事丹鉛不種藍間將草木志嵇含斬  
新松傲秦封五娟秀花開少室三流詠須臾  
成洛下徵圖早晚詔江南憑君醉舞迴雙袖

長泖驅為拾月潭 忽憶驅車過楚潭德山

猶有德山菴 岑巖驚嶺銜天半 直截牛車見  
佛三般若無知傳教外 菩提非樹本宗南 前  
身金粟維摩是丈室 相看已罷叅 滿貯詩  
囊不待探風流勝賞事 偏諳寄愁直欲還天  
上 招隱時聞過水南 有橘可能摘楚頌無花  
大類說燕函 凭高輒吐驚人句 為道平生僻  
性耽款癸亥七夕書於百花里董其昌鈐印




二太史氏董其昌印

鑒藏寶璽

五璽

寶笈三編



明董其昌行書真蹟 一卷

本幅綾本縱八寸四分橫七尺三寸二分行  
書半月臺陶公有逸興不與常人俱築臺像  
半月迴向高城隅置酒望白雲商飈起寒梧  
秋山入遠海桑柘羅平蕪水色淥且明令人  
思鏡湖終當過江去愛此暫躊躕 登太白  
峯西上太白峯夕陽窮登攀太白與我語為  
我開天闢願乘冷風去直出浮雲間舉手可

近月前行若無山一別武功去何時復見還  
款董其昌書鈐印三宗伯學士董元宰氏元

賞齋

鑒藏寶璽

全五璽

寶笈三編

明董其昌臨月儀帖 一卷

〔本幅〕紙本。縱九寸。橫八尺一寸四分。草書。臨

唐月儀帖。

見帖文已見續編

自識。壬寅四月。余訪于比

部中甫於金沙比部出諸古帖相覽有唐人

月儀帖。生平僅見。因手臨之。欲刻入鴻堂帖。

帖成遂遺此書。余所臨仿實與真帖頗肖。似

第不知唐名賢為誰。殆元和以後手也。董其

昌記。鈐印二。知制誥日講官董其昌印。月

儀帖本出索靖後多散佚不傳此為唐人擬  
作者筆法亦宗索靖觀其虛和夭矯間有約  
奴遺意大都為章草者必兼右軍乃合否則  
宋克輩耳己未七月重觀題去臨書時十八  
年矣其昌無印

後幅題跋

王弇州家藏宋秘閣續帖有唐人月儀十二  
段江南季氏藏墨蹟九段傍有楷書音注缺

正二五三月金華邵原性跋以為在江西夏都指揮家據董文敏見於于比部時則又是全本其書結構緊密非宋人所能不知何時離而復合合而更離良不可解文敏喜其平生僅見故未暇擇紙較原本饒有逸致所謂偶然欲書也前後二跋精神流露尤可珍愛

康熙甲戌正月五日紙窗晴暝水仙蠟梅香氣撩人客有持李氏所藏墨蹟欲售者因

取此卷與秘閣續帖並觀之題識於後大兒  
輿次兒軒倚側看書江邨獨旦翁高士奇時  
年五十題此未久忽過重午流光可慨聚  
散興懷古人札牘中每三致意焉是歲五月  
十一日簡靜齋雨窗再書江邨鈴印三七行  
高澹人高詹事

引首

唐月儀帖董其昌臨并題鈴印三其昌之印



太史氏元賞齋

卷內分鈐

高宗純皇帝寶璽乾隆御覽之寶乾隆鑑賞

鑒藏寶璽

五璽全

寶笈三編

收傳印記朗潤堂印清河郡記竹谿逸史教  
忠堂藏高士奇圖書記雙清閣書畫章衣園  
審定張長卿龔香齋蕭元齋竹窗三柏堂鄂  
丁立士奇高澹人廬子孫寶之衣園藏真竹

溪秘玩北墅尚書大夫章幅末墨書舊四號  
上鈐高祥印記

謹案于中甫為五立金壇人萬曆癸未進士  
歷官刑部郎中贈太僕寺少卿見鎮江府志

明董其昌書閑窗論畫一卷

〔本幅素綾本縱一尺五寸八分橫八尺行書〕  
閑窗論畫山之輪廓先定然後皴之今人從  
碎處積為大山此最是病古人運大軸只三  
四大分合所以成章雖其中細碎處甚多要  
之取勢為主元人論米高二家畫正先得吾  
意畫樹之竅只在多曲雖一枝一節無有可  
直者其向背俯仰全於曲中取之或曰然則



諸家不有直樹乎。曰樹雖直而生枝發節處必不都直也。董北苑樹作勁挺之狀特曲

處簡耳。李營邱則千屈萬曲無復直筆矣。

宋人多寫垂柳。又有點葉柳。垂柳不難畫。只要分枝得勢耳。點葉柳之妙在樹頭圓鋪處。只以汁綠漬出。又要森蕭有迎風搖颺之意。其枝須半明半暗。又春三月柳未垂條。秋九柳已衰颯。俱不可混設色。亦須體此意也。

畫樹木各有分別如畫瀟湘圖意在荒遠滅  
沒即不當作大樹及近景叢木如園亭景可  
作楊柳梧竹及古檜青松若以園亭樹木移  
之山居便不稱矣若重山複嶂樹木又別當  
直枝直幹多用攢點彼此相藉望之模糊鬱  
蔥有猿啼虎嘯之狀至如春夏秋冬風晴雨  
雪又不在言也董其昌鈐印三董其昌大宗  
伯印元賞齋

鑒藏寶璽

全五璽

寶笈三編

明董其昌書畫合璧 一卷

本幅絹本二幅皆縱八寸二分畫幅橫二尺  
五寸六分設色畫山樹自題開此鴻濛荒真  
成羽人宅洪崖居可移天姥夢亦得士子歲  
暮董元宰畫并題鈴印一董其昌印書幅橫  
一尺七寸四分行書壯觀楚辭壯觀在真州  
城北原上帶臨南山猗陟北岵撫壯勝猗遺  
萬古漫漫蒼穹無所夾夾嶻嶻縱奇度逶迤

猗前征盤礴猗後駐奮迅猗奔駛約卻猗畔  
顧環旋猗拖卷引伸猗就旅霧釋猗離掩雲  
乘猗平舉瞭瞭猗蟾輝悒悒兮蒸雨鬱鬱猗  
陽春莽莽猗玉露燦燦猗午停翳翳猗西去  
顧吾儕猗並與步卻飛仙猗不遐慕癯其形  
猗久何苦便莫便猗遵坦路適莫適猗破心  
阻樂莫樂兮頗會過莫莞藤猗擷芳蕕是  
日海上顧氏以米襄陽真蹟見視余為臨此



大都米家書與趙吳興各為一門庭吳興臨  
米輒不能似有以也吳興書易學米書不易  
學二公書品于此辨矣董元宰識鈐印一董  
其昌印

後幅題跋

董宗伯閎才博學一代偉人書畫乃其餘伎  
顧其平生嗜慕古人實殫精畢力以窮其極  
匪直升堂窺管而已宋之元章元之文敏使

其同時當與之並駟逐鹿至於得意之作或  
且勝一籌焉此卷畫魚北苑營邱壯觀楚辭  
倣米襄陽已稱合作而臨潭帖虛和婉暢姿  
態百出洋洋乎現會稽身而說法矣向為余  
所藏強為從子換去既而復歸仲兄仲兄蓄  
宗伯之蹟甚多而皆出此卷下每一展觀如  
行山陰道上也崇禎丁丑仲秋八日崇禮跋  
鈐印四趙崇禮印叔厚氏蕉齋趙

鑒藏寶璽

五璽


寶笈三編

收傳印記宏載印半珍藏印半戚公佩鑑藏書書

記一重依庸居士依庸印半月明林下美人來張

宏載印

謹案趙崇禎涇縣人寧國志列於國朝之  
初云七歲即工書長八二王之室善畫蘭  
尤清雅此卷後題崇禎蓋明末人也志作  
字與名不相應疑有誤



明董其昌書七言絕句一軸

〔本幅〕絹本縱五尺三寸五分橫一尺三寸五分  
行書桃蹊柳陌轉山椒古木蒼藤自六朝  
是處誅茆可容易幾乘春漲弄輕橈其昌鈐  
印三元賞齋太史氏董元宰氏

鑒藏寶璽

五璽

寶笈三編




明董其昌書陸暢詩 一軸

本幅綾本縱二尺九寸七分橫八寸八分草書。怪得北風急。前庭如月暉。天人寧許巧。翦水作花飛。其昌書。鈐印三元賞齋太史氏董氏元宰

鑒藏寶璽

五璽

寶笈三編





明劉度畫春山臺榭 一軸

本幅絹本縱三尺七寸三分橫一尺四寸九分設色畫翠巖積秀碧樹敷英臺榭參差依山臨水一人坐憩一童捧茗盃侍一童煮茗自題曩余在西湖精舍曾見宋人所畫春山臺榭圖卷賞其神妙心領意會至今殆閱數月矣適友人出此長素索筆聊為彷彿其概深愧不能得萬一耳崇禎九年春日劉度鈐

印二劉度叔憲

鑒藏寶璽

全五璽

寶笈三編

謹案劉度字叔獻浙江人見無聲詩史此自鈐印作叔憲

明崔子忠雲林洗桐圖 一軸

本幅綾本。縱四尺九寸。橫一尺六寸三分。設色畫。倪瓚角巾褒衣。佇立峯石下。一姬隨後。從以女奴。均捧盥匳。其前碧梧亭亭。一奴注水於槃。一奴攘袂而洗。自題古之人潔身及物。不受飛塵。爰及草木。令人何獨不然。潔其澣濯。以精一介。何憂聖賢。聖賢宜一無兩道也。慎吾老先生之謂與。為繪倪元鎮洗梧桐。

一事以祝其潔可與也若夫嚴介自脩三千年上下周秦及今日無兩人吾謂俛之潔依稀一班爾自好不染世之人被其清風曰君子嘉樂端與斯人共永也長安崔子忠識鈐印一子忠之印

鑒藏寶璽

金五璽

寶笈三編

明陳洪綬授衣圖

一軸

本幅絹本。縱四尺一寸二分。橫一尺四寸六分。設色畫。公劉授衣於公子。三童侍側。執杖捧衣。瓶貯叢菊。點綴秋令。無款印。原題七月詩。隸書詩款癸卯六月。寓武林昭慶寺。客有持陳章侯先生所繪授衣圖見示。俛書幽風七月八章於上。揮汗捉筆。殊乏古意也。滌陽顧苓記。鈐印二。顧苓。東吳小顧。八分。

鑒藏寶璽

金

璽

寶笈三編

編

收傳印記遠遊子

明陳洪綬玩菊圖 一軸

**本幅**紙本。縱三尺七寸。橫一尺七寸一分。設色畫。瓶菊置石上。一人攜杖坐觀。款洪綬仿李希古翫菊圖。似抑之賢弟清教鈴印一章。侯。

鑒藏寶圖

五全

寶笈三編

[illegible]



明陳洪綬畫荷花 一軸

本幅絹本縱二尺三寸五分橫一尺二寸一分設色畫荷花湖石水草款遲老畫於靜香居為順之道盟兄壽鈴印二僧悔勿遲

玉池

絃管張水天芙蓉鷺鷥起我則偶爾為如何能是子弗遲書舊作似順老道盟兄正鈴印  
二陳洪綬印章侯

軸內鈐

高宗純皇帝寶璽乾隆御覽之寶

鑒藏寶璽

全五璽

寶笈三編

明人畫大駕鹵簿圖 一卷

本幅絹本縱一尺六寸五分橫四丈五尺六分設色畫輦輅旗幟鼓吹兵仗及郎將官吏各有楷書標目前幅楷書大駕鹵簿中道官吏人物名數篇後幅楷書大駕鹵簿中道官吏人物品制詳目文多不錄無款印

鑒藏寶璽 全五璽 寶笈三編

<p>一、</p>	<p>二、</p>	<p>三、</p>	<p>四、</p>	<p>五、</p>	<p>六、</p>	<p>七、</p>	<p>八、</p>
-----------	-----------	-----------	-----------	-----------	-----------	-----------	-----------

明人五王醉歸圖 一軸

本幅絹本縱三尺六寸四分橫二尺二寸六分設色畫五王夜讌猛炬高熱華筵已闌一不勝飲而逃一攬袂勸以盞一姬奉洗侍一離席醉瞑童子掖之行二人立庭間一挽留一遜謝二姬執壺尊相侑有籠燭者在前三上高槐碧梧垂蔭欄砌無款印

鑒藏寶璽

全五璽

寶笈三編

[illegible]

明人畫雞 一軸

本幅絹本縱一尺五寸四分橫二尺三寸設  
色畫雞雌雄各一雞雛三無款印  
軸內分鈐

高宗純皇帝寶璽乾隆御覽之寶乾隆鑑賞

鑒藏寶璽

五璽

寶笈三編

收傳印記  
冷硯齋閑口鑒藏之印

--	--	--	--	--	--	--	--	--